

POLU 'LETRE 'LA □KPAА TITI NI Polu 'letre 'la □kpaа Titi ni 'bhe ngblo

Titi -yaa Grēki mi 'le, 'bhεε- -e -yaa Zesu a winbōwo mi Polu a yewoyōon 'le Mεεzan a ye 'ε 'yi. -E -ja 'taa -bebe ta 'ke Polu 'le 'ke -o ge Zesu a -Jan 'Nrāle- 'wolele. 'Letre 'lεε- 'yi, 'wa □ya 'bhii- Polu Titi □twa Krēti, 'kooko- -e bhō Zesu 'yi mu -lε drεε mu 'ε ba (Titi 1.5). 'Bhii- 'wa □ya gōnε- 'la gbεεn- Polu a 'letre □lwa 'ε 'yi Timote ni, Polu Titi 'pegee Zesu 'yi mu 'ε □liala.

'Letre 'lεε- 'yi, Polu 'a □pia Titi ni dōo -e zilεε- mu 'kpa Zesu 'yi mu -lε mu 'ε 'kpen do do wiinj-. -Ya □pia Titi ni dōo, mεε -gloon 'la -e -yaa nu 'bhe 'kpalε- Zesu 'yi mu -lε 'tōle- -lε 'bhe 'wiinj-, 'bhe zan 'ε 'taawogbeya 'ε klε 'elrele (Titi 1.5-9). Polu pe Titi 'pegee Zesu 'yi mu 'ε ni dōo -o dō mεε daangbeya wlan 'gbu 'ε 'bhεε- zi, 'bhεε- -wa pe Zuufu mu 'la 'mu 'yaa- zi 'bhii- -o Zesu 'yi mu -lεdo' 'ε 'siε- 'mu ni dōo 'mu a mεε daangbeya 'ε 'bhe 'laa -o kplankplan.

Polu 'gwlaan- gbłaan mu 'pegee le gbłaan mu 'la 'yaa- Zesu 'yi mu -lεdo' 'ε ba, 'mu pegee -zwanne mu 'pegee -gblanε 'bhεε- lu mu, 'mu 'kpen 'liala- (Titi 2-3). -Waanbhaa' -o -gwa -za 'yi gōnε- 'la gbεεn- 'kooko- -o bo -o 'gbu ma, -e 'bhe 'yipia□ -o ni; 'bhεε- -e zruwlaa- -o 'kpee dōo -za 'la 'bhe 'lεdōole -o -o 'bhεε- klε 'ke 'bhe ge 'tenlε- Zesu 'nule- ma.

'Lɛtrɛ 'lɛɛ- 'lɛyanyrɛ 'ɛ 'yi, Pɔlu pe Titi ni dɔɔ mɛɛ 'la zan mu mɛɛ mu pɔ 'eke- ma, 'bhɛɛ- 'ke -woo -yiciɛn' -e 'bhɛ zan mu 'ɛ -gbin -o plɛŋ- 'Bhɛɛ- -e -liawli' 'ke mu 'pegee 'pubɔwli 'ke mu -naa -a ni.

Pɔlu -o Titi 'pubɔ- 'zi

¹ 'Mi Pɔlu, 'ŋ 'yoo- 'ke -Waanbhaa' a yewonɛ 'le, 'bhɛɛ- 'ŋ 'yoo- 'ke Zesu Kriɛ a *winbɔwo mi 'le; 'mi -le 'lɛtrɛ 'lɛɛ- 'kpa zii' 'e ni. -Waanbhaa' mɛɛ 'la zan mu makwan-, -yoo 'ŋ 'winbwa- 'kaa 'ŋ 'bhɛ zan mu 'ɛ bɔ 'kpaleya a pɛ zi 'ɛ ta, 'bhɛɛ- 'an klɛ 'ke -o wlan ma daangbɛya 'la sɔ bhɔle- -o ba, 'bhɛɛ- -o bo -Waanbhaa' a -lɛɛgblaanya 'ɛ 'yi 'bhɛ dɔ.

² 'Bhɛɛ- 'kooko- -o yrikpale bo bole -yrɛ ma -si 'la -dan 'laa -o 'bhɛ ma 'bhɛ ta. -Waanbhaa' laa bhla pe -titi, -ya -liiwli' -naa 'bhɛɛ- bole -yrɛ ma -si 'ɛ 'naza- ta -kɔɔ' ni 'drunyan klɛle -lɛɛ -a 'kɔɔ.

³ -Kɔɔ' 'Bhee Mi -Waanbhaa' 'gbu 'waati yɛkɛ- 'la -dwa 'bhɛ 'bhɔle-, 'kee- yaa -Jan 'ɛ zɔnle- -kɔɔ' ni. 'Bhɛɛ- -e -yaa' -Jan 'ɛ 'wole gbɛkpa- 'mi 'kɔɔ, 'kaa 'ŋ 'bhɛ 'wo bhaaplɛŋ mu 'ɛ ni.

⁴ 'Mi Pɔlu -le 'lɛtrɛ 'lɛɛ- 'kpa zii' 'bhi Titi ni, 'bhi 'la 'bhi -o 'ke 'ŋ 'nɛ kpataakpa 'le 'kpaleya a pɛ zi 'ɛ ta, 'yee- 'kpaleya do 'kpɔ 'la -yoo -kɔɔ 'kpen 'yi bhe. Bhaa -kɔɔ' Dɛ -Waanbhaa' 'pegee -kɔɔ' 'Bhee mi Zesu Kriɛ -li 'e ma, 'bhɛɛ- -o yilabla na 'e ni!

-O ye -glɔɔn 'la gbɛkpa- Titi 'kɔɔ Kɛti 'trɛ 'ɛ ta

⁵ 'Mi 'e □twa Kɛti 'trɛ 'ɛ ta, 'kooko- -za mu 'la 'naa 'yanlɛ- 'mu yɛbagolele, 'e 'mu -yɛbago.

'Bhɛɛ- zilɛɛ- mu makun' Zesu 'yi mu 'ɛ ba, 'bhɛɛ- 'mu 'kpa -wa mu 'ɛ 'kpen do do ta Zesu 'yi mu -lɛ do do 'ɛ 'wiinj-, 'bhii- 'an ɔpia 'e ni ɔya klɛ gɔnɛ- 'la gbɛɛn- bhe.

⁶ Waa 'joo 'yɔɔ- bhɛ do 'kpo 'yeɛ- Zesu 'yi mu 'ɛ -waa' zilɛɛ- mu 'ɛ 'kedo- 'kpo 'taawo gaan 'ɛ zi, 'bhɛɛ- -a na klɛ do 'kpo, 'bhɛ 'pegee -a -nɛ mu 'ɛ -bloole' klɛ Krisi ma. 'Bhɛɛ- 'mu 'joo 'laa klɛɛ 'eyɔole, 'bhɛ 'pegee 'mu 'laa 'mu yape mu 'ɛ 'kafawole.

⁷ Wlan 'ɛ ni, Zesu 'yi mu 'ɛ -waa' zilɛɛ- mi 'ɛ 'woye- -le 'ke -a -yɛkpaɛɛle -Waanbhaa' a ye 'ɛ ba. 'Bhɛɛ- -yile, waa 'joo 'yɔɔ- bhɛ do 'kpo 'yeɛ- -a 'taawo gaan 'ɛ zi -titi. 'Bhɛɛ- yaa -a 'gbu magbaandɛɛ, yaa klɛɛ yrannii- 'le, 'bhɛ 'pegee yaa klɛɛ -wɛɛnmi' mi 'pegee gwle -glin mi 'le, 'bhɛɛ- yaa -gɔli- 'glinɛ' -dawli' ma.

⁸ 'Dunj- -e klɛ 'cie mu -gblakun' mi -lrele' do 'le, 'bhɛɛ- -za 'wlan klɛɛ 'so -a ni. -A -lɛdɔole klɛ, 'bhɛɛ- -e klɛ 'wenj, 'bhɛ 'pegee -e so -a 'gbu 'yikunle.

⁹ -A bloole bo -Waanbhaa' a -Jan 'la -o so -o 'kpale 'bhɛ 'yi 'bhɛ ma 'egloole, 'bhii- -wa -daanna 'kɛla 'le bhe. 'Ke 'bhɛ ɔkla -e nu 'solɛ- mɛɛ mu -liale', 'bhɛɛ- -e fangandɔ 'mu ta daangbɛya -lɛdɔole a pɛ zi 'ɛ ta. 'Bhɛɛ- -e nu 'solɛ- -a -lɛma' zaabɔ mu 'ɛ 'mu 'gbu 'niyre- 'ɛ zrɔnle- 'mu ni.

¹⁰ Wlan 'ɛ ni, mɛɛ -bebe -o -wɛn 'zi wlan ma daangbɛya 'ɛ ma. -O -naanaa' ma jan mu -la wo, 'bhɛɛ- -o mɛɛ mu -yini'. -O 'bhɛ mɛɛ -gloɔn mu 'ɛ ye mɛɛ 'la zan mu 'a pe mɛɛ ni dɔɔ -o wla kpanma 'klɛɛn 'yi 'bhɛɛ- -o go -za 'yi 'bhɛ zan mu 'ɛ 'mu -la plɛj-.

¹¹ 'Yaa- -jan mu 'ε dɔ -o -yi, 'bhεε- waa sɔ -jan 'bhεεke 'wole; -amasrɔyi, 'wole- 'fε mu 'ε 'kpen ɔla mu 'ε 'mu a 'kpaleya 'ε siε. -O mεε mu daan -za 'la 'bhε 'laa -o 'ke daanpε 'le 'bhεε- 'le, 'kooko- -o -gɔli' kun mεε mu 'kɔɔ -dawli' ma.

¹² Krɛti 'trε ta mi do, -o 'gbu a -zadɔ' mi do -le 'a ɔpia dɔɔ: «Krɛti mu -o 'ke bhlanii- mu 'le 'waati 'ε 'kpen ba, -woo 'bhii- srɔpε mu gbεen-, lrwanii- mu -le -o -le, 'bhεε- -o bo -o 'kpeeledanle ma pε bhlele 'te -la ma.»

¹³ 'Bhε -jan 'ε, 'bhε -o 'ke wlan 'le. 'Bhεla- -zayile, 'ke 'a 'kɛla 'bhε 'yinia-, -la 'bhε ta 'egloole, 'kooko- -a 'kpaleya 'ε Kriisi 'yi 'bhε bakan' 'elrele.

¹⁴ 'Bhεε- 'ke waa blɔɔ Zuufu mu a bhaama can mu 'ε ma, 'bhεε- mεε 'la zan mu 'mu -zanta' -dwa -Waanbhaa' a wlan 'ε ni, waa blɔɔ 'mu a 'tonj mu 'ε ma.

¹⁵ Mεε 'la zan mu 'kpee 'fleele- -o, pε 'kpen -o 'wenj 'mu -yrε 'yi. 'Dunj- mεε 'la zan mu 'kpee 'trinj- -o, 'bhεε- 'ke waa -o kpa Kriisi 'yi, 'pε 'kedo- 'kpɔ 'laa -o 'wenj 'bhε zan mu 'ε -yrε 'yi. -Amasrɔyi -o 'kpeeledangbeyε 'ε -yoo 'eyɔole, -asiikɔɔ waa sɔ -za 'wlan 'pegee -za 'yɔɔ- bagole dɔle-.

¹⁶ -Wa pe -o -lii dɔɔ -o -Waanbhaa' dɔ, 'dunj- -o kleza mu 'ε gole -o -o -liijan' mu 'ε ma. -O 'kpee -o 'eyɔole, 'bhεε- -woo -kala' mu 'le -Waanbhaa' ma, 'bhε 'pegee waa sɔ -za 'lrele- 'kedo- 'kpɔ klele-.

2

'Gwlaan- gbalaan 'pegee le gbalaan mu -liawli'

¹ 'Bhi Titi 'duŋ-, 'kɛla 'bhɛ -bɛŋgole -o 'ke daangbɛya 'lɛdɔɔle 'ɛ 'le, 'bhɛɛ- 'wo mɛɛ mu 'ɛ ni.

² -A pe 'gwlaan- gbilaan mu 'ɛ ni dɔɔ waa -o -taakpale -za mu zi. -Wa klɛ 'ke -o sɔ -gasikpale -o -lɛɛ, 'bhɛ 'pegee -o klɛ -zadɔ' mu 'le. 'Bhɛɛ- -o klɛ 'egɔɔle -waa' 'kpaleya 'ɛ 'yi Krisi 'yi, 'bhɛ 'pegee -waa' 'soniya 'ɛ, 'bhɛɛ- waa zrubakpaaleya 'ɛ 'yi.

³ 'Bhɛ klɛgbɛya 'ɛ 'yi, -a pe 'ezin- le gbilaan mu 'ɛ ni dɔɔ 'mu 'taawogbɛya 'ɛ klɛ 'wɛŋ. Waa klɛɛ mɛɛ 'tɔpe le mu 'pegee -wɛɛnmi' le mu 'le. 'Bhɛɛ- -o klɛ mɛɛ mu -lia le mu 'le.

⁴ 'Bhɛɛ- -o 'sɔ 'seebaanɛ mu daanle- 'mu ɲɔɔ mu 'pegee 'mu 'nɛ mu 'ɛ -za 'solele 'mu ni.

⁵ 'Bhɛɛ- 'woo- 'seebaanɛ mu 'ɛ klɛ le yikanle mu 'le, 'bhɛɛ- -o 'kpee 'fleele- klɛ. 'Bhɛɛ- -o 'sɔ -waa' 'fɛ mu 'ɛ 'kunle 'elrele, 'bhɛ 'pegee -o klɛ le wlan mu 'le. -O 'kpɛn do do 'bhɛ ŋgblo 'kpala 'bhɛ ɲɔɔ ɲla, 'kooko- mɛɛ 'kɛdo- 'kpɔ 'laa sɔ -jan 'yɔɔ- 'kɛdo- 'kpɔ 'wole -Waanbhaa' a -jan 'ɛ ma.

-Zwanne mu -liawli'

⁶ 'Bhɛ klɛgbɛya do 'ɛ 'yi, -zwanne mu 'ɛ ɲlia dɔɔ -o klɛ -zadɔ' mu 'le -za 'kpɛn 'yi.

⁷ 'Bhi 'duŋ-, 'bhi klɛ -za 'wlan klɛ mi 'le 'ke mɛɛ mu 'e ye, 'bhɛɛ- -o sɔ -o kpale 'e ma 'yaa- 'taawogbɛya 'ɛ 'yi. Mɛɛ mu daan 'e zru -lrele' 'le 'pegee 'e 'nii- 'le.

⁸ 'E 'wojan- mu 'ɛ 'lɛdɔɔle klɛ, 'bhɛɛ- 'ke waa sɔ zaabɔle 'mu ta, 'kooko- -kɔɔ' 'sɔɔnnii mu laa sɔ 'joo 'yɔɔ- bhɛ 'kɛdo- 'kpɔ 'yele -kɔɔ' 'taawo gaan 'ɛ zi, 'bhɛɛ- -yraladɔ -o ma.

Lu mu -liawli'

⁹ -A pe lu mu 'ε ni dɔɔ -woo 'gbu ηgblo 'kpala -o zan mu 'ε ɔla -za 'kpen 'yi, 'bhεε- -o 'mu zru maza mu kle gbε 'ε 'kpen ma. Waa zaabɔle 'mu 'le ma.

¹⁰ 'Bhεε- waa 'mu a pe 'kedo- 'kpɔ 'faanle-. 'Dun- -o blɔɔle bo 'mu ma 'tanii, 'kooko- mεε mu sɔ -kɔɔ' 'Bhee Mi -Waanbhaa' a daangbeyā 'ε 'ledɔle -a ma.

-Waanbhaa' -yaa' -lileya 'ε -zɔɔna gɔnε- 'la gbεεn- bhaaplen mu ni

¹¹ Wlan 'ε ni, -Waanbhaa' -yaa' -lileya 'ε -zɔɔna bhaaplen mu ni, 'bhεε- 'bhε -le -kla bhaaplen mu 'kpen gopε 'le -za 'yi.

¹² 'Bhεε- -yaa' -lileya 'ε -kɔɔ' daan dɔɔ -kɔɔ' 'ploo- 'taawogbeyā -yɔɔ' 'pegee 'tre ta zru maza -yɔɔ' mu ma, 'kooko- -kɔɔ' sɔ 'taawole yikan' ma 'drunyan 'lεε- 'yi, 'ke -kɔɔ' 'ledɔɔle kle, 'bhεε- 'ke -Waanbhaa' -lεεgblaanya kle -kɔɔ' 'yi.

¹³ -Kɔɔ' 'taawogbeyā 'ε kle 'elrele 'bhεε- gbεεn- bhe, 'ke 'bhε ge 'tenle- -kɔɔ' yi -lrele' 'la 'bhole- magben 'zi 'bhε ma. 'Bhε yi 'ε 'le, -kɔɔa' -Waanbhaa' -gbεεε 'ε, 'bhεε- -kɔɔ' 'Bhee Mi Zesu Krisi a 'tɔbhɔleyā 'ε nu 'pwεle- -a -yi 'tε.

¹⁴ -Ya 'gbu 'naa- -kɔɔ' ni -kɔɔ' ma 'sraka 'le; 'kooko- -e -kɔɔ' 'wiin- -za 'yɔɔ- mu 'ε 'kpen go, 'bhεε- -e -kɔɔ' kle -a 'gbu ni -yaa' pe 'si 'wen do 'le, 'bhεε- 'ke -kɔɔ' -za 'lrele- klele -vavade.

¹⁵ 'Bhε 'yi bhe, 'bhεε- 'yansi jan mu 'ε 'wo mεε mu 'ε ni, 'ke 'yoo- lia 'egloɔle. 'Bhεε- 'ke -a 'ke mu 'la 'yinia-, 'mu bɔ zi -lrele' ta. 'Yaa 'tolε- 'ke mεε 'kedo- 'kpɔ 'e mavεε.

3

Zesu 'yi mu 'taawogbeya drɛɛ

¹ -A dɔ Zesu 'yi mu 'ɛ 'kpee dɔɔ -woo 'gbu ŋgblo 'kpala -o -kunlii mu 'ɛ 'pegee -waa mɛɛ gbłaan mu 'ɛ ɲla. 'Bhɛɛ- -o 'mu 'wojan- mu 'ɛ 'klosikun, 'bhɛɛ- -woo yriwla -za 'wlan 'kpensee -gloon klele 'le.

² -A dɔ -o 'kpee 'ezin- dɔɔ waa mɛɛ 'kedo- 'kpɔ 'tɔ 'yɔɔ- pɛɛ, 'bhɛɛ- waa gwledanɛ, 'bhɛ 'pegee -o kle mɛɛ mazato mu 'le; 'bhɛɛ- -o -yi kle 'edɔɔle 'egbɛnɛle mɛɛ mu 'ɛ 'kpen ma.

³ -Amasroyi -kɔɔ' mu 'gbu 'yaa- 'elwale -sɔ -zadɔkle mu 'le -Waanbhaa' ba zayi', 'bhɛ 'pegee -kɔɔ' 'laa -yaa -a -weli' -klosikun, 'bhɛɛ- -kɔɔ' 'nile- -yaa. -Kɔɔ' 'yaa- -kɔɔ' zru maza 'kpen -gloon 'pegee pɛ 'flɛn mu 'ɛ 'kpen a lu mu 'le. -Kɔɔ' 'yaa- 'kpee 'yɔɔya- 'ɛ 'kpen -gloon kle, 'bhɛ 'pegee -kɔɔ' 'yaa- zranwo pɛ 'kpen ta. -Kɔɔ' ven -yaa si mɛɛ mu yin -lii, 'bhɛɛ- -kɔɔ' 'yaa- 'eke- mafinyanwo.

⁴ 'Dun- -kɔɔ' 'Bhee -Waanbhaa' -yaa' wlanya 'pegee -yaa' 'soniya 'ɛ -zɔnna bhaapɛɲ mu ni.

⁵ 'Bhɛɛ- -e -kɔɔ' -gwa -za 'yi; 'bhɛ 'laa dale -kɔɔ' mu 'gbu kleza -ledɔɔle mu 'ɛ ba, 'dun- 'bhɛ -daa -kɔɔ' mu 'gbu 'yren 'la ɲklaa -a ma 'bhɛɛ- ba. -Kɔɔ' -gwa -za -yi -amasroyi, Lii 'Wen 'ɛ, 'bhɛ -kɔɔ' 'kpee 'trin- 'ɛ ɲfia, 'bhɛɛ- -e bole -yɛ ma -si drɛɛ -naa -kɔɔ' ni.

⁶ -Waanbhaa' Lii 'Wen 'ɛ -zinaa' -kɔɔ' mu ta niima 'kee- kan -a -dan' ta, -kɔɔ' 'pegee mɛɛ 'Bhee mi Zesu Krisi a 'kpaledomaya 'ɛ 'yi.

⁷ 'Bhɛ klegbeya 'ɛ 'yi, -yaa' -lileya 'ɛ ma, -e -kɔɔ' kle mɛɛ -ledɔɔle mu 'le -a -yɛ 'yi, 'bhɛɛ- -kɔɔ'

'yrikpale -o bole -yɾɛ ma -si 'la -danj' 'laa -o 'bɛ ma 'bɛ ta, 'bɛ klɛ -kɔɔ' 'ciɛn 'le.

⁸ 'Bɛ -jan 'la bɛ, 'bɛ -o 'ke wlan 'le. 'N 'yoo- -a zi' 'bhii- 'e 'bɛ 'kpankpanyan mɛɛ mu 'ɛ ma, 'kooko- 'ke -a 'ke mu -o ɔkpaa -Waanbhaa' 'yi, 'mu dɔ klɛn 'bɛɛ- 'mu za 'wlan mu klɛ. 'Bɛ -le lele, 'bɛɛ- 'bɛ -le mɛɛ maza -yanwo'.

⁹ 'Duɲ- zaabɔle bhaama za mu 'pegee -kɔɔ' -gbɔɔ mu 'tɔ mu ta oo, sradɔle mu oo, 'pɔke- maza mu Moizi a 'toɲ mu 'ɛ ta, 'ploɔ 'mu 'kɾɛn ma. -Nafan 'laa -o -yi, 'bɛɛ- waa -za 'kedo- 'kɾɔ 'yanwo- mɛɛ ma.

¹⁰ Mɛɛ 'la zan Zesu 'yi mu 'ɛ -yiciɛn' 'ke -yoo -yini', 'bɛ zan 'ɛ 'kpeelekan -gloɔn do, -gloɔn plɛ. 'Ke yaa dɔle -a -la, 'e 'gbu 'e 'plɛɲgo- 'bɛ zan 'ɛ ma.

¹¹ 'Ya 'yaango- 'bhii- 'bɛ mɛɛ -gloɔn 'ɛ -gwa gban -Waanbhaa' a zi -lɛdɔle 'ɛ ta, 'bɛɛ- -yoo -za 'yɔɔ- zi 'ɛ 'bɛɛ- ta, 'bɛ 'pegee -e -Waanbhaa' a -kpan baa- 'zi -a 'gbu ta 'bɛ klɛgbɛya 'ɛ 'yi.

Pɔlu a -danɲa' -liawli'

¹² 'Kee- ɔkla Aatemasi 'le oo, 'kee- ɔkla Tisiki 'le oo, 'ke 'mi -o 'kɛla 'winbwa- 'e ta ye, 'e gaan -la 'si 'bɛɛ- 'e nu 'tɛnlɛ- 'ɲ ma Nikopolisi -wa 'ɛ ta; -amasɾɔyi 'an ɔkpaa dɔɔ -niinii' 'kpa 'waati 'ɛ nu 'kanlɛ- 'ɲ ta 'bɛɛ- ɔnɔɔ ye.

¹³ 'Kee sɔ 'kɛla 'bɛ klɛle-, 'bɛ klɛ 'kee bhɔ 'kitikan mi Zenasi 'pegee Apolɔsi ba -o nu bhla 'ɛ zi -waa' 'taa 'ɛ ta, 'kooko- -o gbɛ laa 'kaanlɛ- pɛ 'kedo- 'kɾɔ ba.

¹⁴ -Yoo 'ke -za 'le 'ke -kɔɔa' pɛ nɛɛnɛ- Zesu 'yi mu 'ɛ -o -za 'wlan mu klɛle daan, 'kooko- -o sɔ

mεε -bhεeke' mu maza -yanwole 'waati -glɔɔ ba,
'bhεε- 'kooko- waa bo bhaama mεε mu 'le.

¹⁵ Mεε 'la zan mu 'kpen -o 'mi -din -ge, 'mu 'e
'pubwa-. -Kɔɔ' -za sɔ mεε 'la zan mu ni 'kpaleya
a pε zi 'ε ta, 'mu 'pubɔ- 'η ni. Bhaa -Waanbhaa'
-li 'ka 'kpen ma!

Mwan
The New Testament in the Mwan language of Côte
d'Ivoire

copyright © 2006 Wycliffe Bible Translators, Inc.

Language: Mwan

Contributor: Wycliffe Bible Translators, Inc.

All rights reserved.

2025-05-14

PDF generated using Haiola and XeLaTeX on 14 May 2025 from source
files dated 14 May 2025

1220066e-ed9e-5c66-9c3b-435a6575b8da